

摘藻堂四庫全書薈要

子部

欽定四庫全書薈要

子部

御纂醫宗金鑑卷五十三



詳校官主事臣陳木

欽定四庫全書薈要

御纂醫宗金鑑卷五十三

編輯幼科雜病心法要訣目錄

感冒門

感冒風寒總括

傷風

杏蘇飲

金沸草散

傷寒

九味羌活湯

雙解通聖湯

柴葛解肌湯

大柴胡湯

感冒夾食

雙解通聖湯

藿香正氣湯

平胃散

感冒夾熱

雙解通聖湯

涼膈散

天水散

感冒夾驚

疏解散

涼驚丸

柴胡溫膽湯

瘟疫門

瘟疫總括

溫病

雙解通聖湯

風溫

荊防敗毒散

桂枝合白虎湯

熱病

瘟疫

荊防敗毒散

普濟消毒飲

二聖救苦丹

瘟疫疹痧

升麻葛根湯合消毒犀角飲

三黃石膏湯

消癰青黛飲

雙解通聖湯

暑證門

暑證總括

中暑

加味人參白虎湯

傷暑

二香飲



六合湯

加味香薷飲

暑風

加味香薷飲

玉露散

暑厥

清暑益氣湯

辰砂益元散

抱龍丸

霍亂門

霍亂總括

濕霍亂

二香飲

辰砂益元散

乾霍亂

桂苓甘露飲

理中湯

痢疾門

痢疾總括

寒痢

理中湯

真人養臟湯

熱痢

當歸芍藥湯

白頭翁湯

香連丸

時痢

倉廩湯

噤口痢

參連開噤散

瘧疾門

瘧疾總括

寒瘧風瘧

麻黃羌活湯

桂枝羌活湯

食瘧

柴平湯

大柴胡湯

瘧痰瘧飲

加減清脾飲

咳嗽門

咳嗽總括

肺寒咳嗽

聖惠橘皮散

補肺阿膠散

肺熱咳嗽

加味瀉白散

涼膈散

食積咳嗽

麴麥二陳湯

蘇葶滾痰丸

風寒咳嗽

參蘇飲

金沸草散

加味華蓋散

喘證門

喘證總括

火熱喘急

涼膈散

涼膈白虎湯

導赤散

知藥地黃湯

肺虛作喘

潔古黃耆湯



百合固金湯

本事黃耆湯

風寒喘急

華蓋散

紫蘇飲子

蘇子降氣湯

痰飲喘急

蘇葶滾痰丸

蘇葶丸

馬脾風

五虎湯

一捻金

欽定四庫全書薈要卷一萬五百七

子部

御纂醫宗金鑑卷五十三

編輯幼科雜病心法要訣

感冒門

感冒風寒總括

小兒肌膚最柔脆偶觸風寒病榮衛輕為感冒病易痊  
重為傷寒證難退夾食夾熱或夾驚疎散和解宜體會  
註小兒氣血未充肌膚柔脆風寒所觸邪氣入於腠

理榮衛受病輕者為感冒易痊重者為傷寒難治  
又有夾食夾熱夾驚等證或宜疎散或宜和解臨  
證時細為體察焉

傷風

肺主皮毛感邪風發熱憎寒頭痛疼有汗噫涕脈浮緩  
鼻塞聲重咳嗽頻杏蘇飲同金沸散疎風解表莫從容  
註傷風者風邪傷衛也衛主皮毛內合於肺故令身  
體發熱憎寒頭疼有汗噫涕鼻塞聲重不時咳嗽

也。脈浮緩宜杏蘇飲解散外邪。繼用金沸草散開  
通氣逆則愈。

杏蘇飲

杏仁

炒去皮尖

紫蘇

前胡

桔梗

枳殼

麩炒

桑皮

炒

黃芩

甘草

生

麥冬

去心

浙貝母

去心

橘紅

引用生薑水煎服

方歌杏蘇飲治風傷肺杏仁紫蘇前桔同枳殼桑皮黃

芩草麥冬貝母合橘紅

金沸草散

細辛

荊芥

半夏  
薑製

旋覆花

前胡

甘草  
生

赤苓

引用薑棗水煎服

方歌金沸草散微傷風細辛荊芥半夏同旋覆前胡生

甘草生薑紅棗赤茯苓

傷寒

小兒傷寒表感寒發熱無汗而惡寒頭痛身痛脈浮緊  
嘔逆煩渴病邪傳初用羌活熱通聖邪傳柴葛大柴煎  
註傷寒者乃寒邪傷表營分也其證身體發熱惡寒

無汗頭痛身痛而脈浮緊若嘔逆煩渴者則為邪  
盛欲傳經也此證初宜九味羌活湯如熱盛者以  
雙解通聖湯治之服此藥後已汗下不解而傳經  
者用柴葛解肌湯兼裏證者用大柴胡湯以解表  
通裏因證施治庶不致悞

九味羌活湯

蒼朮

炒

白芷

川芎

細辛



羌活

防風

生地

黃芩

甘草  
生

引用生薑蔥白水煎服大便秘者加大黃

方傷寒初起羌活湯蒼朮芎細合羌防生地芩草薑

蔥入便秘之時加大黃

雙解通聖湯

麻黃

樸消

大黃

當歸

赤芍

川芎

白朮

土炒

石膏

滑石

桔梗

梔子

連翹  
去心

黃芩

薄荷

甘草

生

荊芥

防風

引用生薑葱白水煎服

方傷寒熱盛通聖湯表裏兩解麻消黃歸芍芎朮膏

滑桔梔翹苓薄草荊防

柴葛解肌湯

葛根

柴胡

白芷

羌活

桔梗

石膏

黃芩

赤芍藥

甘草  
生

引用生薑紅棗水煎服

方歌柴葛解肌解三陽葛根柴胡白芷羌桔梗石膏芩

赤芍甘草煎服自安康

大柴胡湯

柴胡

黃芩

赤芍藥

半夏

薑製

枳實  
麩炒

大黃

引用生薑大棗水煎服

方歌大柴胡治邪傳經少陽陽明表裏通柴胡黃芩赤

芍藥半夏枳實大黃同

感冒夾食

內傷飲食感寒風發熱憎寒頭痛疼惡食噯臭吐酸物  
便秘尿澁腹熱膨雙解霍香正氣飲化滯平胃斟酌行  
註小兒平日飲食無節內傷停滯外復為風寒所襲  
故成是證也其候發熱憎寒頭痛惡食噯臭吐酸

便秘尿瀉腹熱膨脹也熱盛者用雙解通聖湯兩  
解之內無熱者用藿香正氣湯和解之表邪既解  
然後調理其脾用平胃散消導之庶幾外無餘邪  
內無滯熱而病自愈矣

雙解通聖湯方見傷寒

藿香正氣湯

蘇葉

白芷

藿香

陳皮

半夏

薑製

茯苓

大腹皮

甘草  
生

厚樸

薑炒

桔梗

引用生薑紅棗水煎服

方歌和解藿香正氣湯蘇葉白芷共藿香陳半茯苓大

腹草厚樸桔梗引棗薑

平胃散

方見嘔乳

加山查神麴麥芽

感冒夾熱

平素有熱感風寒面赤脣焦口鼻乾憎寒壯熱頻飲冷  
心煩譫妄便多艱瀉熱先宜用通聖清熱涼膈天水煎  
註小兒臟腑素稟多熱今復為風寒所傷風熱相搏  
則火邪愈盛故其現證有面赤脣焦口鼻乾燥增  
寒壯熱口渴飲冷心神煩燥譫語狂妄二便秘澀  
治宜散其風寒更宜兼瀉其熱須用雙解通聖湯  
兩解之若服藥後汗出便利病雖少減熱猶不退



者治宜清熱為主當以涼膈散合天水散治之則表裏清而病愈矣

雙解通聖湯方見傷寒

涼膈散方見急驚風

天水散

滑石

六兩飛

甘草

一兩生

共為細末每服一錢燈心湯調下

感冒夾驚

感冒病時觸驚異心驚膽怯睡不安身熱煩躁面青赤  
疏解散與涼驚丸和以柴胡溫膽劑寧神定志效通仙  
註小兒感冒邪氣未解復為驚異所觸故見心驚膽  
怯睡卧不安身熱煩躁面色青赤之證先以疏解  
散疏散之再以涼驚丸清鎮之如病雖退尚覺心  
驚不寐者宜用柴胡溫膽湯和解之

疏解散

羌活

蘇葉

防風

枳殼  
麩炒

桔梗

前胡

赤芍藥

杏仁  
炒去皮尖

殭蠶  
炒

甘草  
生

黃連  
酒炒

引用生薑水煎服

方疏解散治感冒驚羌活蘇葉及防風枳桔前胡黃

連芍杏仁殭蠶甘草同

涼驚丸 方見急驚風

柴胡溫膽湯

柴胡

陳皮

半夏  
薑製

茯苓

甘草  
生

竹茹

枳實  
麩炒

引用生薑水煎服

歌方 柴胡溫膽感冒驚病後餘邪尚未寧柴胡陳半夏茯苓

苓草竹茹枳實薑用生



# 瘟疫門

## 瘟疫總括

溫病傷寒傳變同感寒卽病傷寒名冬受寒邪春復感  
因感而發溫病成至夏感發為熱病逐戶相傳乃天行  
四時不正為時氣痧疹瘟疫要詳明

註溫病之傳變與傷寒無異有冬感於寒而卽病者  
名曰傷寒有冬傷於寒而未卽病者寒邪藏於肌  
膚之內伏於榮衛之間至春復感春風發為溫病

至夏復感暑熱發為熱病若逐戶闔門老幼相傳  
乃天行瘟疫其害更烈或春夏應暖熱而反寒秋  
冬應寒涼而反熱此為四時不正之氣名曰時氣  
相感為病亦與傷寒同其治也其間或發癰發痧  
發疹要當詳明其證治法在後

溫病

冬受寒邪不即病復感春寒發名溫證同傷寒治雙解  
嘔加生薑半夏均



註 溫病一證乃冬受寒邪不即為病至春復感春風而發者也現證與傷寒相同用雙解通聖湯兩解之若嘔吐者以生薑半夏入之其嘔自止

雙解通聖湯方見傷寒

風溫

風溫復感春風發汗熱身重睡鼾眠汗少荊防敗毒治汗多桂枝白虎煎

註 風溫冬受寒邪復感春風而發為病也其證身重

睡慙發熱自汗汗少者以荊防敗毒散解之汗多者以桂枝合白虎湯清解之

荊防敗毒散

荊芥

防風

羌活

獨活

柴胡

前胡

甘草  
生

川芎

枳殼  
麩炒

桔梗

茯苓

引用生薑水煎服

方歌  
荊防敗毒宜時氣風溫無汗用之靈  
荊防羌獨柴

前草川芎枳桔與茯苓

桂枝合白虎湯

桂枝

芍藥

石膏

煨

知母  
生

甘草

生

粳米

引加生薑大棗水煎服

方歌桂枝湯合白虎湯壯熱多汗服此方桂芍石膏知

母草粳米大棗共生薑

熱病

冬受寒邪不即病至夏復感暑熱成身不惡寒而多渴  
證同溫病治亦同

註熱病乃冬受寒邪不即為病至夏復感暑熱而成  
故名曰熱病現證與溫病相類但不惡寒口乾作

渴為少異耳治法亦與溫病同

# 瘟疫

天行厲氣瘟疫病為病挨門合境同皆由邪自口鼻入  
故此傳染迅如風當分表裏陰陽毒因時取治審重輕  
古法皆以攻為急荆防普濟救苦攻

註  
瘟疫一證乃天地之厲氣流行沿門闔戶無論老  
少強弱觸之者即病蓋邪氣自口鼻而入故傳染  
之速迅如風火但毒有在表在裏在陰在陽之分

其或發或攻或清當因春風夏熱秋涼冬寒之四  
時各異隨人虛實量乎輕重以施治也古法皆以  
攻毒為急者以邪自口鼻而入在裏之病多故也  
發以荊防敗毒散清以普濟消毒飲攻以二聖救  
苦丹則酌量合宜審度醫治庶幾臨證時有得心  
應手之妙矣

荊防敗毒散

方見風溫

普濟消毒飲

黃芩  
酒炒

黃連  
酒炒

陳皮

桔梗

板藍根

升麻

柴胡

薄荷

連翹  
去心

牛蒡子  
炒研

僵蠶  
炒

馬勃

甘草  
生

玄參

引用燈心水煎服

方歌普濟消毒清時瘟  
芩連陳桔板藍根  
升柴薄荷翹

牛蒡  
僵蠱馬勃草元參

二聖救苦丹

大黃

四兩

皂角

二兩

右為末水丸每服一錢量兒大小與之用無根水  
下

瘟癰疹痧

傷寒疹癰失汗下時氣初感卽其然表邪覆鬱榮衛分



外泛皮皴疹癰疹白疹紅如膚粟癰紅如豆片連連  
紅輕赤重黑多死淡紅稀暗是陰癰未透升麻消毒治  
熱盛三黃石膏煎已透消癰青黛飲痧疹表裏雙解先  
註傷寒發癰疹痧皆因汗下失宜外邪覆鬱內熱泛  
出而成也惟時氣傳染感而卽出亦猶疫之為病  
烈而速也發於衛分則為痧衛主氣故色白如膚  
粟也發於榮分則為疹疹榮主血故色紅膚淺為  
疹深重為癰癰形如豆甚則成片連連癰疹之色

紅者輕赤者重黑者死此以色辨熱之淺深驗死  
生也若其色淡紅稀暗者皆因邪在三陽已成癰  
疹由外入裏邪從陰化或過服涼藥所致是為陰  
癰陰疹陰疹法當從陰寒治也癰出未透表熱輕  
者宜升麻葛根湯合消毒犀角飲治之表熱重者  
宜三黃石膏湯發之已透者用消癰青黛飲加減  
清之疹痧初起表裏不清用雙解通聖湯先通表  
裏餘法同前

升麻葛根湯合消毒犀角飲

升麻

葛根

芍藥

甘草  
生

牛蒡子

荊芥

防風

犀角

引用芫荽水煎服

方升麻消毒表癰疹升葛芍草蒡荊防倍加犀角急  
煎服表實熱盛另有方

三黃石膏湯

黃連

黃芩

梔子

黃蘗

豆豉

麻黃

石膏

引用生葱水煎服

歌方 三黃石膏發癰疹表實熱盛有奇功連芩梔蘗與

豆豉麻黃石膏生用葱

消癰青黛飲

石膏  
煨

知母

犀角

甘草  
生

梔子  
生

川連  
生

青黛

玄參

柴胡

生地

人參

大黃

引用薑棗水煎臨服入苦酒一匙和服

方歌消癰青黛消毒癰石知犀角草梔連青黛玄參柴  
生地人參大黃斟酌添

雙解通聖湯

方見傷寒

暑證門

暑證總括

小兒暑病有四證中暑陽邪傷暑陰暑風攻肝抽搐見暑厥攻心不識人

註中暑為陽邪單中暑熱也陽邪身熱有汗傷暑為陰邪中暑復感寒也陰邪身熱無汗中暑熱極攻肝則抽搐攻心則厥冒不省人事治者果能因證分別施治自無難矣

中暑

中暑汗出身壯熱頭痛大渴煩不寧氣乏神倦兩足冷  
加味人參白虎靈

註中暑之證身熱有汗因暑熱熏蒸故頭痛口渴煩  
躁不寧甚則氣乏神倦足冷惡寒須以加味人參  
白虎湯治之

加味人參白虎湯

人參

石膏  
生



知母生

粳米

甘草

蒼朮

水煎服

方歌加味人參白虎湯暑熱傷氣服最良參膏知母粳

米草停飲嘔水更加蒼

傷暑

傷暑受暑感寒風無汗熱渴面赤紅乾噦惡心腹絞痛  
嗜卧懶食肢重疼清散二香飲極效氣虛六合湯奏功

夾食惡食多吐瀉加味香薷法最靈

註小兒傷暑謂受暑復感風寒也其證發熱無汗口渴飲水面色紅赤乾嘔惡心或腹中絞痛嗜卧懶食以二香飲治之此內清外散之法也若正氣虛弱當補正除邪以六合湯治之若傷暑夾食大吐瀉者以加味香薷飲治之

二香飲

蘇葉

藿香

白茯苓

扁豆  
炒

厚樸  
薑製

陳皮

半夏  
薑製

甘草  
生

大腹皮

白芷

桔梗

川黃連

香薷

引用生薑燈心水煎服

方歌  
二香飲治風暑病  
蘇葉藿香白茯苓  
扁豆厚樸陳

半草腹正桔連香薷靈

六合湯

人參

香薷

半夏

薑製

甘草

生

砂仁

木瓜

赤茯苓

藿香

杏仁

炒去皮尖

厚樸

薑炒

扁豆

炒

引用薑棗水煎服

方歌六合虛暑用人參香薷半夏草砂仁木瓜赤苓藿

香杏厚樸扁豆棗薑勻

加味香薷飲

香薷

厚樸  
薑炒

陳皮

扁豆  
炒

山查  
肉

豬苓

甘草  
生

枳實  
麩炒

水煎服

方歌加味香薷治夾食香薷厚樸共陳皮白扁豆配山

查肉豬苓甘草炒枳實

暑風

暑風抽搐似驚風煩渴汗熱便黃紅先用加味香薷飲  
繼用玉露散即寧

註暑風者手足搐搦狀似驚風者也由暑熱攻肝內  
生風病其證煩渴身熱有汗二便黃赤先宜加味

香薷飲疏其風繼以玉露散清其熱暑熱一解而  
搐自止矣切不可當驚癇治之

加味香薷飲

香薷

黃連

扁豆

炒

厚樸

薑炒

羌活

引用燈心水煎服

方歌  
加味香薷治暑風香薷黃連扁豆同厚樸薑炒羌

活入燈心煎服效從容

玉露散

方見火瀉

暑厥

暑厥昏眩不知人氣虛挾痰上衝心虛者清暑益氣治  
挾痰益元抱龍均

註暑厥之證昏昧不省人事因其人元氣素虛暑熱  
衝心或挾痰上衝以致精神昏憤虛者以清暑益  
氣湯治之實者以辰砂益元散合抱龍丸治之



清暑益氣湯

人參

黃耆  
炙

當歸

酒洗

白朮

土炒

甘草  
炙

陳皮

麥冬  
去心

五味子

青皮  
炒

蒼朮  
炒

黃蘗  
酒炒

升麻

葛根  
澤瀉

神麴炒

引用薑棗水煎服

方歌清暑益氣虛受暑參耆歸朮草陳皮麥味青皮蒼

朮藥升葛澤瀉炒神麴

辰砂益元散

辰砂

三錢  
水飛

滑石

六兩  
水飛

甘草

一兩  
末

每用一錢薑燈心湯調勻合抱龍丸服

抱龍丸

黑膽星

四兩  
轉者佳

天竺黃

一兩

雄黃

水飛

辰砂

各半兩  
另研

麝香

一錢  
另研

右為細末煮甘草膏和丸皂莢子大溫水化下



霍亂門

霍亂總括

霍亂風寒暑飲成卒然吐瀉腹心疼飲暑盛兮濕霍亂  
寒勝為乾症不輕

註  
霍亂者乃風寒暑飲之雜邪為病卒然揮霍變亂  
心腹大痛吐瀉交作也其能吐能瀉者謂之濕霍  
亂夫暑飲雖盛若已經吐瀉其邪即解故易治也  
若欲吐不能欲瀉不能者謂之乾霍亂蓋寒盛則

金  
卷五十三  
凝既不吐瀉則邪無去路故病多不救

濕霍亂

吐瀉不已腹頻疼口渴引飲胸悶膨飲盛主以二香飲  
暑盛益元散最靈

註濕霍亂者乃暑飲合邪也其證吐瀉不已肚腹疼  
痛口渴引飲胸膈膨悶飲盛者以二香飲主之暑  
盛者以辰砂益元散主之因證調治則暑飲之邪  
既清而霍亂之證立愈矣治者宜詳辨之

二香飲 方見傷暑

辰砂益元散 方見暑厥

乾霍亂

欲吐瀉之不吐瀉腹中絞痛不能堪煩渴大飲甘露飲  
肢厥不渴理中煎

註 乾霍亂者乃寒暑凝結欲吐不吐欲瀉不瀉腹中  
絞痛俗名絞腸痧病也治者當分寒暑如煩渴大  
飲者為熱以桂苓甘露飲主之若厥逆不渴者屬

寒以理中湯主之因證調治其病自愈

桂苓甘露飲

白朮

土炒

茯苓

澤瀉

豬苓

肉桂

少許

石膏

滑石

水飛

寒水石

水煎服

方歌  
寒暑凝結霍亂成  
桂苓甘露莫從容  
白朮茯苓豬



澤桂膏滑寒水石相同

理中湯方見不乳



# 痢疾門

## 痢疾總括

痢疾暑濕生冷成傷氣為白傷血紅後重裏急腹痛  
寒熱時痢噤口名

註  
痢之為證多因外受暑濕內傷生冷而成傷於氣

者色多白以肺與大腸為表裏也傷於血者色多  
赤以心與小腸為表裏也裏急者腹窘痛也後重  
者頻下墜也又有寒痢熱痢時痢噤口痢之別醫

者須詳察之

寒痢

寒傷久痢藏虛寒腸鳴切痛實難堪面脣青白喜飲熱  
理中養藏效通仙

註寒痢者寒冷傷胃久痢不已或藏氣本虛復為風  
冷所乘傷於腸胃故痢時腸鳴切痛面脣青白口  
雖渴喜飲熱此裏寒虛之證也初宜理中湯久則  
真人養藏湯治之寒得溫散而證愈矣

理中湯方見不乳

真人養藏湯

人參

白朮

土炒

木香

煨

當歸

土炒

白芍

炒

肉桂

甘草

炙

罌粟殼

蜜炙

訶子肉

麴煨去核

肉果

煨

引用烏梅水煎服

歌方寒痢須用養藏湯人參白朮廣木香歸芍肉桂炙甘草栗殼訶子肉果良

熱痢

痢初實熱腹窘痛下痢無度尿短紅舌赤脣焦喜飲冷芍藥白頭香連靈

註熱痢者皆因濕熱凝結於腸胃以致腹中窘痛頻頻下痢尿短色紅舌赤脣焦喜飲冷水此裏熱之證也重則當歸芍藥湯主之輕則白頭翁湯主之

或香連丸主之

當歸芍藥湯

當歸

白芍

木香

黃芩

黃連

肉桂

大黃

甘草  
生

檳榔

水煎服

方歌熱痢當歸芍藥湯裏急後重服最良歸芍木香苓

連桂大黃甘草共檳榔

白頭翁湯

黃連

黃蘗

秦皮

白頭翁

水煎服

方歌白頭翁湯治熱痢腹中窘痛溺短赤連蘗秦皮白

頭翁煎服之後痢自愈



香連丸

木香

川黃連 各等分

共為細末醋糊為丸如桐子大量兒大小用之空  
心米飲下

時痢

時痢痢疾感時氣發熱無汗徧身疼熱為邪束因作嘔  
倉廩湯散有奇功

註時痢者乃痢疾時復感時氣也身熱無汗徧身疼

痛熱為邪束頻作嘔逆須以倉廩湯散之先解時邪其痢自止

倉廩湯

人參

茯苓

獨活

桔梗

前胡

川芎

甘草  
炙

枳殼  
麩炒

倉米

柴胡

羌活

引用生薑水煎服

方歌時痢須用倉廩湯參苓獨活桔梗良前胡川芎炙

甘草枳殼倉米及柴羌

噤口痢

火毒冲胃成噤口  
脈大身熱不能食  
舌赤脣紅惟飲冷  
參連開噤散功奇

註噤口痢一證乃火毒冲胃而成其證脈大身熱不

能飲食舌赤脣紅惟喜飲冷急宜參連開噤散救之

參連開噤散

人參

川連  
薑炒

石蓮肉 各等分

右為細末米飲調下

# 瘧疾門

## 瘧疾總括

瘧疾夏暑秋寒風榮衛合邪病始成陰陽相並發寒熱  
日間淺深作分明

註  
瘧疾者多因夏傷於暑其氣舍於榮內至秋復感

寒風則榮衛合邪而成瘧發時或寒或熱者陰陽  
相並也每日作者因初病邪氣尚淺伏藏於榮隨  
經絡而行故也其間日作者因邪已深入脊膂間

伏藏於衝脈故也其晝發者因邪在三陽之淺夜發者因邪在三陰之深瘡將退者亦由夜而晝由間日而至每日此為去陰就陽由深而淺其病欲已也治者須詳細分別可也

寒瘡風瘡

先寒後熱身無汗此為寒瘡不須評先熱後寒身有汗此為風瘡須詳明寒宜麻黃羌活劑風惟桂枝羌活從註此瘡疾初起發散之法也先寒後熱者因先傷於

寒後傷於風寒多熱少身無汗者謂之寒瘧以麻黃羌活湯主之  
寒熱多寒少身有汗者謂之風瘧以桂枝羌活湯主之

麻黃羌活湯

麻黃

羌活

防風

甘草  
生

引用生薑水煎服

方歌麻黃羌活湯醫瘡身體無汗寒熱增麻黃羌活防

風草引薑煎服體安寧

桂枝羌活湯

羌活

防風

桂枝

甘草  
生

引用生薑水煎服

方歌桂枝羌活湯治瘡豈尋常羌活生甘草防風桂枝

良



# 食瘧

食瘧寒熱腹脹面黃惡食悶不通輕者須用柴平劑  
便艱加味大柴攻

註食瘧者因食而病瘧者也由小兒飲食無節復受  
風暑之氣以致寒熱交作胸腹脹滿否悶不通面  
黃惡食也但食有輕重須當別之輕者宜柴平湯  
主之重者宜大柴胡湯加檳榔草果主之治者果  
能因證調理則積滯清而瘧漸退矣

柴平湯

陳皮

半夏

薑製

蒼朮

米泔水浸炒厚樸  
薑炒

黃芩

柴胡

甘草

人參

引用薑棗水煎服

方歌柴平湯治傷食瘧陳半蒼朮同厚樸黃芩柴胡草

人參薑棗作引為良藥

大柴胡湯 方見傷寒

瘧疾瘧飲

瘧疾瘧飲多嘔逆面黃目腫胸膈膨痰盛清脾加橘半  
飲盛加蒼倍入苓

註小兒素有痰飲復因外邪凝結脾胃故嘔逆也若  
瘧疾或經汗下之後表裏無證宜用清脾飲以和  
之痰盛者本方加橘紅倍半夏飲盛者加蒼朮倍  
茯苓若兒氣已虛弱更當加人參以扶其正

加減清脾飲

柴胡

黃芩

半夏

薑製

甘草  
炙

厚樸

薑製

青皮  
醋炒

檳榔

茯苓

草果

人參

白朮

土炒

橘紅

南蒼朮

炒

引用生薑水煎服

方歌清脾治瘧兼痰飲柴苓半草樸青榔苓果氣虛參

木入痰盛加橘飲盛蒼



咳嗽門

咳嗽總括

肺病咳嗽有痰聲有聲無痰咳之名有痰無聲謂之嗽  
為病寒熱食與風

註病機式要云咳嗽謂有聲有痰因肺氣受傷動乎  
脾濕而然也咳謂無痰而有聲肺氣傷而不清也  
嗽謂無聲而有痰脾濕動而為痰也二者雖俱屬  
肺病然又有肺寒肺熱之分食積風寒之別醫者

宜詳辨之

肺寒咳嗽

肺虛飲冷致咳嗽面色晄白痰涕清聖惠橘皮宜初進  
補肺阿膠久嗽靈

註  
寒嗽者因平素肺虛喜啖生冷以致寒邪傷肺發  
為咳嗽其證面色晄白痰多清稀鼻流清涕初宜  
聖惠橘皮散主之若日久不愈者須以補肺阿膠  
散主之則氣順痰清而嗽自止矣



聖惠橘皮散

人參

貝母

蘇葉

陳皮

桔梗

杏仁去皮尖炒

引用紅棗水煎服

方歌  
肺虛受寒頻咳嗽橘皮散治效通仙參貝蘇葉陳

皮桔杏仁微炒去皮尖

補肺阿膠散

人參

阿膠  
麩炒

牛蒡子  
炒

杏仁  
去皮尖炒

糯米

甘草  
炙

馬兜鈴

水煎食後服

方歌  
小兒肺寒時時嗽  
補肺阿膠效  
若神人參阿膠牛

葶子杏仁糯米草兜鈴

肺熱咳嗽

火嗽面赤咽乾燥痰黃氣穢帶稠黏便軟加味瀉白散  
便硬加味涼膈煎

註火嗽一證乃火熱薰擾肺金遂致頻頻咳嗽面赤  
咽乾痰黃氣穢多帶稠黏也便軟者加味瀉白散  
主之便硬者涼膈散加桔梗桑皮煎服則熱退氣  
清而嗽自止矣

加味瀉白散

桑皮  
蜜炙

地骨皮

甘草

生

川貝母

去心 礮

麥冬

去心

知母

生

桔梗

黃芩

薄荷

水煎服

方歌加味瀉白治火欬桑皮地骨甘草合貝母麥冬生

知母桔梗黃芩同薄荷

涼膈散

方見急驚風

食積咳嗽

食積生痰熱薰蒸氣促痰壅咳嗽頻便溏麴麥二陳治  
便燥蘇葶滾痰攻

註積嗽者因小兒食積生痰熱氣薰蒸肺氣氣促痰  
壅頻頻咳嗽便溏者以麴麥二陳湯消導之便秘  
者以蘇葶滾痰丸攻下之

麴麥二陳湯

陳皮

半夏

薑製

茯苓

甘草  
生

黃連

薑製

山查

麥芽

炒

神麴

炒

桔萸仁

枳實  
麴炒

引用生薑紅棗水煎服

歌方麴麥二陳食積嗽陳半苓草川黃連山查麥芽神

麴炒桔萸枳實一同煎

蘇葶滾痰丸

蘇子

炒一兩

苦葶藶

微炒一兩

大黃

四兩酒蒸一次

沉香

五錢

黃芩

四兩

青礞石

五錢火煨如金為度

石為末水為丸量兒虛實服之薑湯送下

風寒咳嗽

風寒咳嗽頻嚏涕鼻塞聲重唾痰涎疎風參蘇金沸散

散寒加味華蓋痊

註小兒脫衣偶為風冷所乘肺先受邪使氣上逆衝

塞咽膈發為咳嗽噎噴流涕鼻塞聲重頻唾痰涎  
先以參蘇飲疏解表邪再以金沸草散清其痰嗽  
若寒邪壅蔽當以加味華蓋散治之則風邪解而  
氣道通氣道通而咳嗽止矣

參蘇飲

蘇葉

乾葛

前胡

陳皮

半夏

薑製

甘草

生



枳殼麩炒

桔梗

赤茯苓

水煎服

方歌參蘇飲治風寒嗽蘇葉乾葛前胡從陳皮半夏生

甘草枳殼桔梗配赤苓

金沸草散方見傷風

加味華蓋散

麻黃

杏仁去皮尖炒

蘇子炒

前胡

橘紅

甘草生

桑皮炒

桔梗

赤茯苓

水煎食後溫服

方歌華蓋散治風寒盛氣促胸滿咳嗽頻麻杏蘇子前  
橘草桑皮桔梗赤茯苓

# 喘證門

## 喘證總括

喘則呼吸氣急促擡肩欠肚哮有聲實熱氣粗胸滿鞭  
寒虛痰飲馬脾風

註呼吸氣出急促者謂之喘急外候擡肩欠肚若更  
喉中有聲響者謂之哮吼然致病之原不一如氣  
粗胸滿痰稠便鞭而喘者此實熱也氣乏息微不  
能續息而喘者此虛邪也其中有風寒鬱閉而喘

者又有痰飲壅逆而喘者更有馬脾風一證最為急候醫者須分別詳明庶用藥如響矣

火熱喘急

火喘燥渴面脣紅肺胃涼膈白虎清瀉心宜用導赤散  
陰虛知藥地黃靈

註火邪刑金作喘者多口乾舌燥作渴面赤脣紅也  
因於肺熱者以涼膈散主之胃熱者涼膈白虎湯  
主之心火刑金者導赤散主之腎虛火來爍金者

宜知藥地黃湯主之醫者果能審察精詳按證調治庶幾用藥如響而不致有虛實之誤矣

涼膈散

方見急驚風

涼膈白虎湯

大黃

生

樸消

甘草

生

連翹

去心

梔子

黃芩

生

薄荷葉

石膏

生

知母生

引用粳米水煎溫服

方歌涼膈白虎肺胃熱梔子連翹薄荷葉黃芩大黃樸

消草知母石膏粳米列

導赤散方見不小便

知藥地黃湯

乾生地黃

山茱萸肉

山藥炒

知母炒

黃蘗

鹽炒

牡丹皮

澤瀉

茯苓

水煎服

方歌知藥地黃陰虛熱知母黃蘗牡丹皮乾生地黃並

澤瀉茯苓山藥共茱萸

肺虛作喘

虛喘氣乏聲短濇潔古黃耆湯效捷百合固金化虛痰  
本事黃耆清虛熱

註  
虛喘之證氣乏聲音短澇以潔古黃耆湯主之若  
喘促夾痰者以百合固金湯主之夾熱者以本事  
黃耆湯主之

潔古黃耆湯

人參

黃耆  
炙

甘草  
炙

地骨皮

桑白皮

炒

水煎溫服



方歌潔古黃耆湯虛喘最為良人參黃耆共甘草地骨

桑

百合固金湯

百合

天門冬

麥門冬

去心

生地黃

熟地黃

當歸

白芍藥

炒

甘草

生

貝母

去心

玄參

桔梗

水煎服

方歌百合固金虛痰喘百合二冬二地黃當歸白芍生

甘草貝母玄參桔梗良

本事黃耆湯

五味子

白芍藥

天門冬

麥門冬去心

人參

黃耆炙

熟地黃

甘草  
炙

茯苓

引用烏梅薑棗水煎服

方歌本事黃耆虛熱喘五味芍藥二門冬參耆熟地炙

甘草烏梅薑棗白茯苓

風寒喘急

風寒傷肺氣喘急表熱無汗華蓋方肺虛被邪紫蘇飲  
無邪氣逆降氣湯

註肺主皮毛一受風寒內閉肺氣則氣逆不降呼吸  
氣急故作喘也發熱無汗宜以華蓋散汗而散之  
若肺氣本虛外復被風寒所傷者宜以紫蘇飲子  
補而散之若肺虛外無風寒所傷內無痰涎壅塞  
惟氣逆喘急者以加減蘇子降氣湯降其逆氣其  
喘自愈治者宜詳察之

華蓋散

方見風寒咳嗽

紫蘇飲子

蘇葉

杏仁

炒去皮尖

桑皮

炒

陳皮

青皮

醋炒

半夏

薑製

人參

五味子

甘草

生

麻黃

引用生薑水煎服

方歌氣虛又被風寒傷紫蘇飲子最相當蘇葉杏桑陳

青半人參五味草麻黃

蘇子降氣湯

蘇子

炒

當歸

陳皮

半夏

薑製

甘草

生

前胡

厚樸

薑製

桂心

沉香

引用薑棗水煎服

方歌  
氣逆喘用降氣湯  
肺虛無邪服最良  
蘇子當歸陳

半草前胡厚樸桂沉香

痰飲喘急

痰飲壅逆因作喘痰飲蘇葶葶滾痰從停飲喘急不得卧  
瀉飲降逆用蘇葶

註小兒痰飲作喘者因痰壅氣逆也其音如潮響聲  
如拽鋸者須急攻痰壅蘇葶葶滾痰丸主之若停飲  
喘急不得卧者又當瀉飲降逆蘇葶葶丸主之醫者  
須分別施治庶幾曲中病情矣

蘇葶滾痰丸 方見食積類嗽

蘇葶丸

南蘇子

炒

苦葶藶子

各等分  
微炒

右為細末蒸棗肉為丸如麻子大每服五丸至七丸淡薑湯下

馬脾風

暴喘傳名馬脾風胸高脹滿脇作坑鼻竅煽動神悶亂五虎一捻服最靈



註馬脾風俗傳之名卽暴喘是也因寒邪客于肺俞  
寒化為熱閉于肺經故胸高氣促肺脹喘滿兩脇  
煽動陷下作坑鼻竅煽張神氣悶亂初遇之急服  
五虎湯繼用一捻金下之倘得氣開其喘自止如  
兒生百日內見此者病多不救

五虎湯

麻黃

蜜炒

杏仁

炒去皮尖

甘草

生

白石膏

研為末

細茶


引用生薑水煎臨時用藥沖石膏服

方歌五虎湯治馬脾風麻黃蜜炒杏仁從甘草石膏細

茶葉煎服之後喘自寧

金方見不大便

御纂醫宗金鑑卷五十三



總校官庶吉士

臣

張能照

校對官檢討

臣

王鍾健

謄錄監生

臣

蔣予林